

ORATIO LVGVBRIS

In obitum

ILLVSTRISSI-
MÆ PRINCIPIS AC
DOMINAE. D. SOPHIAE,

DVCIS SAXONIAE, &c.

natae Illustriss. familia VVir-
tembergica :

ILLVSTRISSIMI PRIN-
CIPIS AC DOMINI. D. FRIDE-
RICI GVILIELMI, DVCIS

Saxoniae, Landgrauj Thuringiae, Marchionis Mis-
sinae, &c. Domini nostri clementissimi,
coniugis lectiss.



*Habita publicè in Ienensi Academia Prid. Non. Au-
gusti in renunciatione XVIII.
Magistrorum*

PRODECANO COLLEGII PHILOSOPHICI
ZACHARIA BRENDLIO MED.

Doctore, Physices Professore:

Cui adiuncta est

Intercessio in eodem Actu pro more habita à M.

VOLFGANGO HEIDERO, Pro-

fessore itidem publico. Anno

1590.

J E N Æ

Typis Tobia Steinmanni.

THE LIBRARY OF THE

AD ILLUSTRISSI-
MVM PRINCIPEM ET DOMI-
NVM, D. FRIDERICVM GVILI-
ELMVM, Ducem Saxoniae, Landgrauium Thu-
ringiae, Marchionem Misniae, &c.
Dn. Clementiss.

ZACHARIAE BRENDELII
Doct. Praefatio.



ALEXANDRVM REGEM,
Princeps Illustrissime, Clementis-
sime Domine, accepimus non nisi
ab Apelle pingi, à Lyssippo fingi vo-
luisse, quod obscuriorum homi-
num artem dedecoris sibi plus quam gloriae alla-
turam esse putaret.

Idem de me quoque fortasse statuet quispiam,
nimirum in inopinato ac flebili Illustrissimae
coniugis tuae SOPHIAE beatæ memoriae, ex
hac vita decessu ut dolerem ac lugerem, ius
fasque fuisse: ut in publicum prodirem, & Illustris-
simae PRINCIPIS oratione meae parentarem,
mihi minime licuisse; Illud pietatis fuisse, hoc
audaciae: Illud ad salutem & emendationem me-
am conduxisse, hoc pietatis defunctae PRINCIPIS
gloriam quodammodo obscurare potuisse.

137

A 2

Fit

Fit enim fere, ut, qui in orationem aliquam huiusmodi incidunt, si non satis disertè scripta videatur, non tam in oratore ingenium facundis anq̃ desiderent, quàm vbertatem & splendorem in rebus ipsis requirant, dicendiq̃ materiam ab eo, qui dixerit, studiosè vndiq̃ conquistam: ob causæ autem ipsius sterilitatem non inuentam esse suspicentur.

Ego vero, Illustrissime Princeps, cum lustruosissimo illo tempore, pro ratione muneris mei, verba publicè mihi faciendâ essent, peccatum me arbitrabar, si de alia quauis re, quàm de ea ipsa, quæ tum omnium hominum mentibus penitus insederat, disserere in animum induxissem.

Et quanquam facilè intelligebam esse modestiæ meæ de tanta re tacere potius, quàm pauca dicere, præsertim in exiguitate illa temporis, quod mihi ad me comparandum supererat, & in dolore illo meo, qui omnem mihi dicendi facultatem, si qua in me vnquam fuit, ademerat: Cogitabam tamen & officij mei esse quantum damni hoc PRINCIPIS nostræ obitu tum publice vniuersis, tum priuatim singulis partim datum esset in præsens, partim in futurum tempus denunciaretur, ostendere: & pietatis ac gratæ mentis, Illustrissimæ domui Saxonicae, in primis
verò

15
vero Celsitudini tuæ tum ἀπαύγαν meam reuer-
enter declarare, tum pro tot annorum liberalis-
tate ac munificentia, qua me meaq; studia & in
hac Salana sua, & in Patauina Italorum Acades-
mia benignè iuuit & ornauit, gratiam, quam
possem, memori mente persolvere.

Quam igitur orationem tunc habui, eam
nunc Illustrissimæ Cels. T. humilimè offero, & vt
studium atq; obsequium hac in parte meum cles-
menter approbet demissè ac suppliciter oro.

Deus benigniss. veri omnis solatiij fons Spi-
ritu fortitudinis Celsitudinis T. animum in hoc
luctu & mœrore ita erigat & confirmet, vt mo-
dum adhibere iustissimo dolori suo possit: ean-
demq; vna cum reliqua illustriss. familia diu flo-
rentem & incolumem seruet. Ienæ. a. d. X. Cal.
Septemb. Anno a C. N. c. I. 5. I. 5. XC.

A. , ORATIO

ORATIO PRO DECANI DOCT.

ZACHARIAE

Brendelij.



TINAM DEO OPT.

Max. visum fuisset, ut de felici potius puerperio Illustrissima PRINCIPIS NOSTRAE, deq; incolomitate puerpera gratias Deo agere, Illustrissimis autem PRINCIPIBVS, atq; adeo toti huic ditioni gratulari possemus, quam ob inopinatum ac miserabilem Illustrissima PRINCIPIS ex hac vita decessum lamentari necesse haberemus. Nec verò dubito, quin si superstes fuisset, & Illustrissima familia subsidio, & praesidio Ecclesiae, & solatio afflictis fuerit futura. Nunc vero subito erepta, totam Remp. tum Christianam, tum civilem orbem & debilitatam reliquit. Quod si cuiusquam mortem lugendi iusta nobis caussafuit, in nullius certe iustior, quam in hoc Illustriss. Principis nostrae obitu reperietur. Neq; enim ideo tantum dolendum nobis est, quod virtutum earum praesidijs, quae in ipsa summa fuerunt, priuati sumus

sumus, sed etiam quòd DE I iram aduersus peccata nostra ex hoc tristissimo nobis documento agnoscere, & imminentes porro calamitates indidem præsagire facile possumus. Quo loco non diffiteor auditores, me ad hoc dicendi munus, quod Illustrissima PRINCIPIS supremo honori debetur, unum omnium minimè esse idoneum, cum neq; vsu aliquid, & ingenio parum possim: quin & diligentia, quam subsidio mihi comparare soleo, temporis angustia obstiterint: deniq; etiamsi horum nihil esset, mens tamen mea tristissimo illo nuncio afflictà ita obstupuerit, ut nò modo ad meditandum cogitationes meas non componere, sed ne loqui quidem possim. Tacerem autem libentissimè, & vultus potius indicio animi mei dolorem apud vos testatum facerem, quam mea vocis praconio infantia mea testes colligerem: nisi ea ab Illustrissima domo Saxonica in me profecta essent beneficia, ut longè facilius visum mihi fuerit quamcunq; potius plagam aliam accipere, quam cuiquam non satis gratus videri.

Et tamen ita orationem meam temperabo, ut de verissimis iustissimisq; PRINCIPIS nostra laudibus dicendi prouinciam alijs relinquam mihi.

lamen-

lamentandi partes sumā, & quantas quāq; gra-
ues lugendi causas habeamus, paucis ostendam.

Quamquam ea est doloris mei magnitudo,
ut ne hoc quidem satis grauitè facere me possem
existimem. Quò meliori mente, Pro Rector Ma-
gnifice, Magnifice designate Rector, Illustres &
generosi Domini Barones, ceteri item Viri Claris-
simi, vos deniq; hospites & iuvenes ornatissimi,
audire verba mea oportebit, ut, quantum faculta-
tis mihi partim conscientia imbecillitatis meae, par-
tim doloris detrahēt acerbitas, tantū animi de ve-
stra erga me humanitate cōcepta spes subministrēt.

Vnde igitur potius querelam meam ordiar,
quā ab ea commemoratione qua, quot & quan-
tarum virtutum praesidijs Illustrissima PRIN-
CIPIS nostra ex hac vita decessus nos orbārit,
quā breuissimè exponam?

Nata fuit, ut scitis, Illustrissima PRIN-
CEPS nostra SOPHIA ex generosissima illa
stirpe Ducum Wirtembergensium & Tecciorum
Comitum Montis Pelicardi: cuius ego laudes si le-
uiter solummodo delibare mihi proposuissē, quan-
tus obsecro mihi se ad dicendum campus aperiret?

Quid

15
Quid enim ego vel antiquissimos huius familia au-
tores, qui partim ipsi Reges atq; Imperatores, par-
tim ex illis nati fuere, recenseam? Quid EBER-
HARDUM BARBATUM, qui primus in
hanc familiam ducatus Wirtembergensis hono-
rem attulit, commemorem? Quid matrem huius
MECHTILDEM LUDOVICI primum
Wirtembergensis Comitis, post vero ALBERTI
AUSTRIACI coniugem? Cuius instinctu maritus
posterior Friburgensem: filius EBERHAR-
DUS Tubingensem Academiam fundavit. Quid
VDALRICUM huius nostrae PRINCIPIS avum?
qui periculosissimo suo & Ecclesiae tempore BRENTIUM
Halae Suevorum exulantem hospitio excepit,
& nihil non egit, nihil non tulit, ut Euangelij lu-
cem, quae in sua ditione effulserat, retineret ac tueretur.
Quid CHRISTOPHORUM eiusdem patrem?
cui nihil tam cura fuit, quam ut doctrina religio-
nis, extirpatis haeticarum opinionum monstris,
longe lateq; propagaretur, & ad posterum quoq; in-
corrupta & integra transmitteretur. Clementia
vero ac beneficentia ita ille subditorum suorum ani-
mos sibi deuinxit, ut nulla re magis stipatus ac mu-

B

nitus

nitus videretur, quàm suorum caritate ac fide, qui
etiam corporum suorum obiectu ipsius salutem re-
demturi fuissent. Quam paterna laudis heredita-
tem generosi Principis generosus filius L V D O V I-
CVS, is, qui nunc rerum potitur, ita adiit, ut pra-
clara eam accessione doctrina & heroicarum vir-
tutum aliarum auxisse & augere indies videatur.
Huius enim potiss. consilio secundum DEVM effe-
ctum est, ut corruptelis illis doctrina religionis,
qua alicunde in has terras inuecta indies magis
magisq; processura videbantur, maturè iretur ob-
uiam, & prodiret DEI munere, approbantibus
multis potentiss. ac religiosissimis Electoribus,
Principibus, Comitibus, Dominis ac ciuitatibus,
liber ille, qui puroris ac verè Lutherana doctrina
summam complectitur: veras sententias sacra-
rum literarum autoritate & Orthodoxa antiqui-
tatis testimonijs confirmat: falsas ipsdem firma-
mentis refutat.

Ex hac igitur familia nata cum sit Illustrissima
PRINCEPS, non est mirum eam multis eximijs
virtutibus cumulatam in ore & sermone omnium
semper fuisse. Non enim illa sunt ornamenta ma-
tronarum illustrium, quae vulgo existimantur: exi-
mis:

mia corporis forma, decorus ad speciem mem-
 brorum motus, vestes preciosa, monilia ex auro
 gemmis distincta clarissimis, & reliquus muliebris
 mundus: sed sincera DEI agnitio, fiducia firma,
 spes inconcussa, inuocatio Dei ardens, sacrarum
 concionum auscultatio assidua, & qua inde manant
 virtutes alia, in rebus secundis modestia, in aduer-
 sis tolerantia, castitas inuiolabilis, constans in ma-
 trimonio fides, in oratione verecundia, misericordia
 erga miseros, beneficentia erga egenos, clementia
 aduersus omnes: quae omnia in uniuersa Princi-
 pis nostra vita tanquam lumen aliquod eluxerunt.
 Ac ne de singulis dicere necesse habeam, quae praeca-
 teris eminere & familiam ducere videntur, ea bre-
 uiter solum delibabo. Vt igitur in pauca rem con-
 feram, in illustri semina tria potiss. arbitror specta-
 ri oportere: pietatem, quae ad Deum pertinet: a-
 morem ac fidem, quae ad maritum: beneficentiam,
 quae ad pauperes. Quae quanta fuerint in P R I N-
 C I P E nostra, ij rectius ac disertius testari possunt,
 qui quotidie facta eius omnia oculis inspicere, di-
 cta haurire auribus potuerunt. Nos ea tantum
 attingemus, quae cuius etiam ex media plebe notissi-
 ma sunt.

Ac primum quantum pietas ipsi cura cordiq; fuerit, uel ex eo cognosci atq; intelligi potest, quod à prima usq; aetate in ea primum familia, ut dixi, suscepta educataq; est, qua initium & finem principatus sui in pietate constituit: quæ syncerioris doctrina asylum & arx semper est indicata. Itaq; pietatem PRINCEPS nostra non accepit, sed unâ cum nutricis lacte hausit: non didicit, sed umbibit: ad quam natura quodammodo eam genuit, formauit educatio, doctrina instituit, domest. corû exemplorum copia confirmauit. Quid? quod in eam deinceps familiam translata insitaq; est, cuius ueluti propria est uera religionis possessio, defensio, propagatio. Habuit ea FRIDERICUM SAPIENTEM, Saxonie Electorē, sub cuius patrocínio primum Euangelij lux exorta est: Habuit IOHANNEM huius fratrem atq; in septemuiratu successorē, qui tum alijs modis omnibus, tum præcipuè in comitijs Augustanis Euangelij doctrinam propagauit: Habuit IOHANNEM FRIDERICHUM I. Electorem, qui pro uera religione coniuge & liberis priuari, imperij dignitate exui; patria, populis, subditis & bonis omnibus carere, quam fidem & confessionem, abnegare maluit: Habuit IOHANNEM GUIL-

HELMUM

HELMVM, Illustriſſimi PRINCIPIS noſtri pa-
rentem, & JOHANNEM FRIDERICVM III,
qui ſingulari conſtantiâ exemplo à vera religione
nec promiſſis Imperatoris abduci potuere, nec de-
terri minis: qui quanto ſtudio corruptelas omnes
cum DEI verbo pugnantes exſtirpare conati ſint,
omnibus notum eſt. De JOHANNESGVILIEL-
MO beatiſſ. ac feliciſſ. memoria dubitari certè po-
tuit, utrum Imperator in armis eſſet fortior,
an gubernator in toga præſtantior, an deniq; Theo-
logus ſacrarum literarum peritior. Nam
ſœpius penè ſacra Biblia legendo conſecit, & in
lectione ſanctiſſimorum operum Reuerendi viri
Dn. Doct. LVTHERI, Eſſe noſtrorum
temporum, dies nocteſq; eſt verſatus. Hinc
eadem familia etiamnum hodie Illuſtriſſ. Princi-
pem JOHANNEM FRIDERICVM II.
Virum planè dignum, cui pax & felicitas diſtur-
na cum ſumma potentia contigiffet: adeò religioſi
literiſq; prouehendis à primis uſq; pueritiæ incu-
nabulis ſemper fuit addictiſſimus. Hic unâ cum
Illuſtriſſ. Fratribus doctrinæ veritatē tum gra-
tia Caſaris, tum omnibus, quæ imminebant, peri-
culis antepoſuit. Hic unâ cum iſdem Fratribus

hanc Academiam eo potiss. consilio instituit, ut
officina esset, in qua cælestis sapientia viva voce
& scriptis illustrata in omnes vicinas regiones
propagaretur. Huius in ista fortuna, cuius co-
gitatione meritò omnes turbamur atq; ingemisci-
mus, quaiam per annos XXIII. existimantur
fuisse studia alia, quàm scriptura sacra & doctri-
na cælestis? Ut meritò cum Davide exclamare
possit: Nisi lex tua delectatio mea, tunc periissem
in afflictione mea. His verò parentibus nati Illu-
strissimi PRINCIPES nostri, Dn. FRIEDERI-
CHVS GVILIELMVS, Dn. JOHANNES
CASIMIRVS, Dn. JOHANNES, & Dn.
JOHANNES ERNESTVS, Duces Saxonia,
&c. Domini nostri Clementiss., quanto studio ma-
iorum suorum vestigijs insistant, nemini ignotum
est, nisi cui ipsi sunt ignoti. Nam siue Ecclesias
respiciamus, synceram in ijs doctrinam vigere,
& disciplinam veterem restitutam esse animad-
uertimus: siue scholam hanc intueamur, quam ipsi
munificentia sua alunt, augent, ornant, synceros
quoq; in ea doctores amplissimis stipendijs condu-
ctos cernimus. FRIEDERICHVM quidem
GV I-

20
GVILIELMVM constat non modò assidue sacros
libros euoluere, sed etiam uberiores ijs commenta-
rijs adiungere.

In talem igitur familiam translata cùm sit
Illustriß. PRINCEPS nostra, domesticis etiam
et quotidianis exemplis tum Illustriß. coni-
gis, tum socrus sue, vidua Illustriß., mulieris
omnium post hominum memoriam religiosissima
exemplis excitata: poteritne quisquam dubitare,
quin à pietate illa, ad quam à primis vsq; annis e-
docta atq; educata fuerit, ne tantillum quidem re-
miserit? Quanta quidem sedulitate atq; attentione
publicè de sacro loco docentes audierit, quanta de-
uotione sacra DOMINI cœna vsa fuerit, quanto
amore sacrosanctum Ministerium amplexa, ne-
minem nostrum ignorare arbitror. Unum illud
praterire non possum, quod auditione accepi non
dubia, cum ante triennium Illustriß. duobus Prino-
cibus ac Dominis, Dn. JOANNE GVILIEL-
MO. et Dn. FRIEDERICO, beata memoria,
designatis patrie patribus immaturè et quasi in
primo vitæ aditu è rebus humanis exemptis, parens
Illustriß. FRIEDERICHVS GVILIELMVS,
Domi-

Dominus noster clementiss. in summo, ut facile
existimari potest, merore versaretur, adeo effi-
cacibus consolationibus ex Israël's fontibus bau-
stis PRINCIPEM nostram Illustrissimum coniugem
suum recreasse, ut dubitari posset; utrum o-
ratione ipsius pietatis & ardentis in DEUM fidei
plena, an exemplo potius pientiss. femina animus
huius fuerit confirmatus. Quid multa? Mul-
ta, dum viuunt, simulare homines possunt: cum
morti proximi sunt, cum ad extremum spiri-
tum ventum est, erumpit, quicquid antea fucrat
occultatum: simulationi aut dissimulationi nullus
est locus. Hic igitur Illustrissima PRINCEPS,
simulatq; ex catarrho ad pectus decumbente peri-
clitari se animaduertisset, primum omnium ex Sy-
racida precepto concionatorem aulicum vocauit:
qui cum aduenisset, quauis ipsa debilitatis iam ac-
fractis esset viribus, neq; decumbere tamen, neq; se-
dere voluit, sed, ad testandam pietatem suam erga
Deum, erga Ministerium reuerentiam, non ni-
sistans veniam petijt suorum peccatorum, & vi-
atico se corporis ac sanguinis CHRISTI IESU
ad beatam ex hac vita migrationem instruxit.

Postea.

Postea vero non neglectis ijs recuperanda valetu-
 dinis adminiculis, quæ ex arte Medica peti pos-
 sunt, cum ea à vi morbi superari intelligeret, ad
 Illustrissimum coniugem conuersa, erecto, ut po-
 tuit, iam semimortuo capite: O carissimum mihi,
 inquit, pectus: Venit, venit iam tempus, quo ita
 volente Deo à complexu tuo et sobolis nostra abs-
 trahor: Quod tu quidem ita feres, ut decet ani-
 mum pium & verè Christianum. Neq; enim
 moriendum mihi est, sed miseria potius brevis ac
 momentanea cum aterna beatitate, labor cum qui-
 ete, dolor cum letitia, mors deniq; cum sempiter-
 na vita, quæ sola verè vita existimari debet, com-
 mutanda. Duo tantum hac per fidelissimam istam
 dextram tuam à te peto: primum, ut quæ diuino
 beneficia superstes nobis est soboles, eam tu unice
 commendatam tibi habeas, atq; in id toto pectore
 incumbas, ut ad religionem & cultum diuini nu-
 minis omni cura erudiatur & informetur. De-
 inde ut in ea doctrina veritate, quam in hunc vsq;
 diem tota mente amplecteris, constanter profite-
 ris, defendis acriter, studiosè propagas, infractò
 atq; intusculo animo ad extremum vsq; spiritum per-

persistas. idq; ideo, ut quemad. in hoc seculo, quoad DEI munere permissum nobis est, coniunctissime viximus: ita in altera etiam vita denuo coniungamur, coniuncti ea laetitia perfruamur, quam neq; imminuere satietas, neq; dolor ullus turbare, neq; fortuna euertere, neq; dies abolere possit. Quo animo Illustriss. Principem fuisse putatis, cum ex lectissima coniugis suae ore has voces audiret, haec pia desideria cognosceret? An à lacrymis cum temperare sibi potuisse existimatis? O princeps virtutum omnium pietas: quid non efficias, ubi semel religiosas ac pias mentes occupasti? Tenebatur pientissima Princeps vi morbi defixa in lecto: magnitudine iam morbi vires omnes fracta erant ac debilitata: cum nihil ipsa de se amplius sollicita, quasi exploratum iam habens, quo migraret, quos & quanta bona CHRISTI merito consecutura mox esset, de suis tantum & de Ecclesia anxie cogitavit: cum; quicquid in moribundo corpusculo supererat virium, eo contulit, ut pietatem suam & sincera religionis amorem testamentum faceret. Quid hanc creditis viventem & valentem fecisse, quae ne mori quidem, nisi sinceritatem

ritatem doctrina, quantum potuit, prouehendo,
voluerit? Itaq, nihil mirum est, quod pietatis isti
placidissimus ex hac vita exitus respondit.

Sed me tam rara pietatis in PRINCIPIS
nostra admiratio in hoc uno capite aliquantò diu-
tius immoratum breuiorem in reliquis esse iubet.
Itaq, à vobis, qui adestis, peto, ut temporis me
habere rationem sinatus, & quia breuius dicen-
dum mihi est, quam res tanta, quæ supersunt, di-
ci queant: etiam atq, etiam vos rogo, ne rerum
magnitudinem ex oratione mea, sed ex ipsarum
pondere potius aestimetis.

Pium & religiosum PRINCIPIS nostra
animum virtus quidem omnis, omnis vite sancti-
monia comitata est: Præcipue vero id, quod Illu-
striss. coniugem suum ita carum habuit, ut nun-
quam ab eius latere discederet, essentq, verè, quod
dicitur, *σώματα μὲν διὰ, μίαι δὲ ψυχῇ*. Nimirum,
non oculis illa nupserat, quibus corporis formam
paterat contemplari: neq, digitis, quibus opes &
potentiam supputare: sed mente, mente inquam,
verè pia, miti, sincera, candida, uno verbo
Uirtembergica: qua pietatem & veram vir-
tutem

tulem Sponsi sui intueri poterat. Itaq; certissima illa veri amoris nota, qua alioqui vix in singulis singula reperiuntur, in huius nostra erga maritum suum Illustriss. amore inerant uniuersa. Etenim non erat ille vulgaris & peruiagatus, sed singularis & rarus: non simulatione & inani specie fictus, sed ex intimo animi sensu profectus: non remissus aut qualiscunq;, sed flagrantiss. atq; ardentissimus: quam ipsa non necessitate aliqua impulsas, aut vi coactas, sed iudicio ductas vltro suscepserat. Præterea idem ille amor ita erat Gratijs & morum suauitate temperatus, ut neq; turbaret eum morositas, neq; fastidium interpellaret: ita sincerus atq; integer, ut neq; voces istas, *MEVM, NON MEVM*, ex quibus omnes ferè querelæ, omnes dissensiones manant, unquam audirentur, neq; suspicionibus ullis ullus relinqueretur locus. Multa reperiuntur passim tum in sacris, tum in profanis literis amoris fideiq; coniugalis exempla: Verùm in hoc coniugio ita rara & inusitata quædam amoris magnitudo, suauitas, integritas eminuit, ut paucissima ex omni seculorum memoria huic conferri, nullum anteferri posse videretur.

Iam

Jam verò ex eodem pietatis fonte etiam ob-
servantia & obsequium illud, imò amor ille & fi-
des illa manavit, quam PRINCEPS nostra,
quamdiu vixit, ita probavit socrui suae, viduae fl-
lustrissima, lectissima femina, ut in hac colenda
maternam sibi sanctitatem ipsa constituisse vide-
retur. Cumq; eandem ante annum graui & pe-
riculoso morbo decumbentem animaduertisset:
tanta diligentia ei prae-sto fuit, ut ad seruiiles etiam
operas non raro sese demitteret, neq; unquam cui-
quam ex adstantibus plus laboris imponeret,
quam sibi ipsa sumeret. Quod si haerent ac stupent
hominum animi, cum filia Cimonis patrem suum
confectum senio exerto ubere in custodia alentis
imaginem pictam oculis aspiciunt: non minus pro-
fecto stupeant necesse est, qui admirandam huius
tam insolita natus erga socrum fidei pieturam a-
nimo intuentur.

Jam quid de beneficentia erga agrotos & pau-
peres dicam? quorum ego iam ciuitatus mihi au-
dire videor, non dominam se, sed patronam: non
principem, sed matrem amisisse quiritanium.
Elisabetha eius, qua Rege Hungaria nata; L. V.

D O R I C O Thuringia Landgrauio nupsit, tan-
tam fuisse erga miseros omnes beneficentiam accē-
pimus, ut perijſſe ſibi eum diem duceret, quo non
inſigne aliquod miſericordia & liberalitatis ſua
ſpecimen edidiſſet. Laborabant aliqui rei familia-
ris anguſtia: ſubueniebat. Nudi erant aut malè
veſtiti: veſtes mittebat. Eſuriebant: eleemoſynam
dabat, neminemq; à ſua facie triſtem diſcedere pa-
tiebatur. Ægrotabant: adibat ipſa humaniter,
conſolabatur benignè, tum alimenta tum medica-
menta abigendis morbis & reparandis viribus
idonea liberaliter ſubminiſtrabat, operâ deniq; &
rei ipſa raro quodam humilitatis exemplo eos ſuble-
uabat. Deſuncti erant inopes: ſunus ipſa ſuis im-
penſis procurabat. Nudum quempiam efferri ad
ſepulturam forte fortuito in eum incidens vidit: ve-
lo capiti ſuo detracto corpus exanime texit. Regis
erat potentiſſ. filia: & tamen nere, texere ac mu-
liebres operas alias manibus ſuis exercere non de-
ſinebat, non ut ſibi ipſi veſtes precioſiores aut orna-
menta aliqua alia pararet, ſed ut haberet, unde
benefica eſſe & largiri egentibus, nudos veſtire,
agros recreare, deſunctos ſepelire poſſet. His tot &

tantis inaudita prius pietatis, misericordia, liberalitatisq; documentis ita in sui admirationem omnes homines conuertit, ut viuens pauperum mater salutaretur, mortua superstitione istorum temporum in Diuarum numerum cooptaretur.

Nostra hac Dux SOPHIA, cum Elisabetha illius exemplum ad imitandum sibi proposuisset, nomen illud Diua supersticiosum, quod sibi non deberi intelligeret, non appetijt, tributam à Deo Principibus Deorum appellationem, quam nulla aequè re, atq; beneficentia, tueri se posse sciret, factò & opere comprobare, & ut ille ait, tanti nominis mensuram implere & oluit.

Sed cuius est tanta ingenij præstantia, tanta dicendi vis, tantum orationis flumen, ut hæc tanta tamq; eximia decora & ornamenta nostra PRINCIPIS, non dico viuis coloribus exprimere, sed delineare solum & adumbrare leuiter possit? Quò grauius dolendum nobis est, quando & has, quas dixi, virtutes omnes, & quas ne attingi quidem, plures alias una hora nobis eripuit.

Poteras

Poterat Illustrissima PRINCIPIS pietas
muri & propugnaculi instar esse, qua DEI ira &
iustissima animaduersioni sese opponeret. At euer-
sum est hoc propugnaculum. Poterat amor
& fides ipsius Illustrissimo coniugi & socris sola-
tio esse: At sublatum hoc è medio est. Pote-
rat misericordia eiusdem ac liberalitas miseri-
atq; afflictis adiumento esse: At adiumentum
illud subtractum est. O summam rerum huma-
narum inconstantiam: O fallacem hominum spem,
& natura nostra fragilitatem: O acerbissimam
mortis violentiam: cuius tanta vis est, ut salus
publica, quæ immortalis esse debebat, in vnius sa-
pe mortalis hominis vita consistere: postquam is in
viviis esse desierit, eadem cum eo morte peremta,
eodem funere elata esse videatur.

Perspicuis opinor, auditores, quàm sit hic Il-
lustrissima PRINCIPIS nostra obitus acerbis
Ecclesie, luctuosus familie, grauis afflictus & no-
bis omnibus. Nunc qua causa sit huius tam in-
sperata calamitatis paulisper quæso mecum per-
pendite. Neq; verò est, quod abeamus lon-
gius. Nostra hac culpa est: nostris flagitijs &
sceleri-

sceleribus hanc pœnam nobis, velut Cacias nubes,
 attraximus. Descendat unusquisq; in se, cogi-
 tationemq; sui hominis ad punctum temporis susci-
 piat: quis sensus, qua mens sua sit, quid medietur
 dies noctesq;, quid loquatur, quid agat, attenti-
 us examinet. Quàm fecunda hodie apud omnes
 omnium ordinum & statum homines scelerum se-
 ges expullulat? Parentes filij, Magistratum
 subditi, discipuli Praeceptores venerari atq; in o-
 culis ferre: si quid inessent, dicto audientes esse,
 & summa voluntate ijs obtemperare debebamus:
 At contemnimus, at maledicimus, at reueren-
 tiam obœdientiamq; omnem abijcimus, deniq; pro
 summis in nos meritis non modo nullam, sed &
 malam referimus gratiam, beneficia iniurijs con-
 pensamus. Fratrem suum unusquisq; nostrum
 eadem, qua seipsum, benevolentia caritate prose-
 qui debebat: at odio prosequitur. Pacem cum
 omnibus colere debebamus: At nos Ultrò disidia
 ferimus, simultates alimus, bella excitamus. Ju-
 bet Deo subleuare inopes: at eos nos non deseri-
 mus solum, sed & exhaurimus: Subuenire mise-
 rijs: at nos miserias exprobramus, exasperamus,
 cumulamur, parieti deniq; inclinato incumbimus.

D

Iubet

Iubet Deus innocentes defendere: at pluri apud nos aut gratia, aut inuidia, aut commodum est, sepe leuissimum, quam iustitia & innocentia: Oppressos liberare: at id non modo non facimus, sed etiam ultro alios opprimimus. Debebant in omni oratione, gestu, vestitu, actione denique omni elucere veritas, candor, modestia, at nihil usquam syncerum, nihil apertum, simulata omnia, omnia, fugo & fallacia plena: dominatur ubique calumnia, viget luxuria, effert se arrogantia, eminent ambitio, superbia & fastus regnant.

In castitate & sanctimonia unusquisque vas suum possidere debebat: at quantum ubique impuritati, obscenitatis, libidinum, stupri adulterij?

Atrociora sunt haec: sed longe atrocius illud, quod in tanta Evangelij luce nulla cognoscendi DEI curat tangimur, in quavis re potius alia, quam in praepotenti DEO fiduciam collocamus: ibi timemus, ubi timor non est: numen, quod reuereri & timere debebamus, cum Epicuri de grege porcus pro nugis, pro fabulis habemus. Ut bonorum omnium auctori & conservatori DEO gratias ageremus, ut assiduus ab eo atque ardentibus precibus omnis generis bona peteremus, non modo

modo ipsa DE I praeipientis vox nos debebat ad-
 ducere, sed & promissio inuitare, utilitatis consi-
 deratio flectere, necessitas, quae publicè priuatimq;
 nos urget, cogere, Diabolòrum & hostium, qui
 nobis undiq; imminet, struunt insidias, in per-
 niciem nostram conspirant, vita & fortunæ exiti-
 um parant: horum inquam omnium multitudo,
 potentia, furor impellere poterat: At nos non
 modo aut nunquam, aut raro, aut frigide vota ad
 DE V M facimus, verum etiam sanctissimo ipsius
 nomine ad contumelias, ad execrationes, ad de-
 ierationes & periuria nefariè abutimur. Habe-
 mus DE I benignitate synceros verbi diuini do-
 ctiores, qui puram religionis doctrinam inculcant
 fideliter, corruptelas ei aduersantes magno & con-
 stanti animo refutant: qui Legis fulmine consci-
 entias nostras terrent, ut ad ferias cogitationes de-
 respiciendæ suscipiendas nos adigant: rursus vo-
 ce Euangelij mentes per terrefactas erigunt, ut ad
 bene sperandum & ad omnem fiduciam CH R I-
 ST I Seruatoris merito collocandam nos excitent:
 deniq; necessarias ad emendationem vitæ commo-
 nitiones assidue inculcant: exemplo etiam no-
 bis praeiungunt. At nos doctrina puritatem fasti-
 diamus,

dimus, aures nostras Sophistarum mendacijs & clamoribus non obtusas, sed vacuas & patentes præbamus, comminationes non exhorrescimus, promissionibus non mouemur, precibus non flectimur, cohortationibus nullum relinquimus locum. O stuporem, o cecitatem, o adamantinam pectorum nostrorum duritiem, o ingratitudinem detestandam. Hic peccatorum omnium fons est: huic impietati nefaria ira irascitur Deus, ut totas sæpe gentes funditus euertat.

Itaq; non ideo tantum dolendum nobis est, quod tot tantisq; flagitijs ac sceleribus nostris Deitatem in nos concitauerimus, sed etiam quod ita concitauerimus, ut metuumdum nobis sit, ne (quod clementer auertat benigniss. Deus) longè grauiorum malorum Illas atq; ~~πρωλεσθία~~ tandem subsequatur. Quotusquisq; enim se peccasse dolet, & non potius peccando voluptatem capit? Quotusquisq; est, qui ad meliorem frugem se recipere cogitet, & non potius pertinaciter in peccatis persistens, ruat in ea magis, quam labatur. Qua de re si sapius mihi querendum esset, tanta undiq; se ad dicendum offerret copia, ut semper nouus venire possem.

Triste:

Triste quidem est, quod in tantas calamitates incidimus, quibus hodie premimur, & fere opprimimur: Tristius, quod culpa nostra incidimus, & peccatis, ut incideremus, promeriti sumus: Tristissimum omnium, quod ne nunc quidem peccare desistimus, sed in peccatis perseveramus, & perseverando exitium attrahimus. O miseros nos, si hac non intelligimus: miseriore, si intelligimus, neque tamen respicimus. Turbantur Ecclesia: concutuntur Respub: lugent scholae: seuissimorum hostium, qui his omnibus exitium noctes diesque meditantur, magnus est numerus, animus crudelissimus, summa potentia, astus incredibilis, perfidia denique, & scelus execrandum: Plena est calamitatum, plena miseriarum vita communis: urget fames: instant morbi pestiferi: malignus ubique est rerum terrarum nascentium prouentus: squallent agri: mœrent planta: deficiunt animantia: Aer venenatis halitibus plenus: Cælum ipsum modo squallidum, modo triste ac nubilum. Quot iam ab annis aliquot vidimus Cometas? quot chasmata? quot luminum defectus? quot prodigia? Non sum, auditores, vnus omnium maxime credulus. Sed non obscurus rumor est, circa hoc ipsum luctuosiss. tempus aras tremuisse. Vi-

D 3

dimus.

dimus oculis nostris aquas ad eum modū turbatas
infectasq; ut sanguinis riuos effundere viderentur.
Vidimus Solis faciem admodum tristem & cruen-
tam propè. Vidimus eodem mense & Luna Lumen
terra umbrā hebetari, & Solē atherea istius terra
oppositū interuentuq; deficere, atq; ita deficere, ut
totus propemodum occultari videretur. Neq; ve-
ro sine peculiari numinis voluntate id factum esse
putandum est, ut eo ipso penè momento migraret
ē vita Illustrissima PRINCEPS nostra, quo ex
Luna obiectu Sol ille eluctari cœpit. Voluit scili-
cet diuina providentia significare, quod in Sole ac-
cidit tum, idem etiam in Illustrissima PRINCEPE
eodem tempore accidisse. Nam ut Sol cum de-
ficere dicitur, nullam quidem luminis sui iacturam
facit ipse, sed ea, quæ in terra & circa terram
sunt corpora, viuisco Solis lumine orbata, ma-
gnam sentiunt cladem ac perniciem: Ita Illustrissi-
ma PRINCEPS nostra nihil ipsa quidem mali
passa est, sed ex miserijs huius vitæ eluctata, Solis
instar in cœlis fulget, neq; vitæ lux ipsi erepta, sed
data est: verum nobis, qui supersites in terris de-
gimus, atrociam impendent mala.

Quin igitur expauescimus, & peccasse nos,

atq;

atq; peccando iram **DEI** tantopere cūmulasse, se-
 rio dolemus, doleremq; illum nostrum non simula-
 ta ad **DEVM** conuersione & vita nostra emenda-
 tione testatum facimus? Orbati sumus multis
 magnisq; virtutibus, pietate imprimis. Illustrissi-
 ma **P.RINCEPS** nostra, quam Ecclesijs, scholis
 & rebus tam publicis, quam priuatis harum ter-
 rarum presidio fuisse nullum est dubium. Hu-
 ius tanta & tam luctuosa calamitatis culpam o-
 mnes sustinemus: omnes, quantum in nobis est,
 Principem nostram occidimus. Atq; utinam non
 plura grauioraq; mala ceruicibus nostris immine-
 rent. Etenim capiti non peperit **DEVS**: & fu-
 turum putamus, ut reliquis partibus ignobiliori-
 bus parcat? Nobilis familia **DEI** iram sensit:
 & reliqua hominum sex immunem se fore spera-
 bit? Si in familia pia, si in sanguine innocente hoc
 accidit, quid de impijs & sceleratis hominibus su-
 iurum arbitramur? De quibus omnibus cum ali-
 quanto attentius cogito, ita ijs moueor, ut partim
 dolor, partim metus finem mihi faciat dicendi.

Tantum, aterne, omnipotens, misericors
DEVS, sola mente veneror atq; obtestor, ut quo-
 niam

niā tibi placuit religiosissimā & Illustrissimā
coniugis sui amantissimā faminā, Illustrissimī
nostri PRINCIPIS lateri subtrāctā, beatorū
in cælis hominū & sanctorū Angelorū
cœtui addere, tu SPIRITV SANCTO tuo clemens
propitiūsq; ei adsis: tu animo ipsius viuas &
efficaces consolationes suggeras, itaq; eum confir-
mes, ut, quicquid ex benignissima voluntatis tuæ
decreto accidit, id constanter ferat: tu propugna-
torem hunc Ecclesiæ tuæ, scholarum nutriticā,
Patriā Patrem adeoq; unā cum eo uniuersā Il-
lustrissimā domus Saxonica familiā diu floren-
tem atq; incolumem serues: tu Ecclesiā MIA-
TREM opinionum fluctibus & hostium seuitiā
agitatā, tu quassatā Rempub. tu scholarā hanc
mærentem defendas: tu cælestem illā SOPHIA
A M opprimi ne patiaris: tu Posteritati nostræ
benigne prospicias: tu quicquid pœnarū propter
flagitia nostrā nos premit, aut. ceruicibus nostris
impendet, à vitā & fortunis omnium nostrarū
arceas: idq; non propter nos, sed propter nomina
tui gloriā, ut te propitiū Deum patrem no-
strum, unā cum filio tuo. CHRISTO IESU &
SANCTO SPIRITV eternū celebremus.

D I X I.

INTERCESSIO

M. VVOLFGANGI HEIDERI.

Spectabilis D. Prodecane, Vir clarissimè, tua hæc oratio, qua luculentè Illustrissimè PRINCIPIS obitum deploras; virtutes prædicas, huiusq; mali caput & originem demonstras, procul dubio in auditorum animis aculeos reliquit efficacissimos, (quod de Periclis eloquentia dicebat Aristophanes) & si non omnes, plerosq; tamen ad piam commiserationem, dolorem acerbum, & timorem omnino necessarium flexit.

Equidem tria esse puto, quæ minime prætermittenda sunt hoc tempore, sed omnibus hæc regionum incolis, maxime tamen scholæ hostis alumnis studiosè facienda.

Nam & graviter lugere nos decet, & ardentè vota facere, & seriò gratias DEO agere, quorum primum debitæ subiectionis est & humanitatis, alterum necessitatis gravissimæ, tertium non limolata pietatis.

Legenda etiam habemus geminam, & utramq; Tamen utroq; Principe iustissimam.

Decessit enim in ipso ætatis flore, & ceteris

E

stem

stem ad patriam migravit ILLVSTRISSIMA
PRINCEPS SOPHIA ILLVSTRISSIMI PRINCIPIS
FRIDERICI VVILHELMI Coniunx suavis-
sima, cuius tanta fuit erga DEVM pietas, erga
maritum amor. & fides; erga subditos benivo-
lencia, erga pauperes liberalitas & beneficentia,
ut ad eam lugubre illud Poetae carmen optimo
iure possimus deflectere:

*Cui pudor & iustitia foror
Incorrupta fides, nudaq; veritas,
Quando ullam inuenient parem?*

Hoc stabilitatis praesidio, ornamento digni-
tatis suae nostram orbati patriam, nec sine dolo-
re cogitare, nec sine gemitu dicere possumus.

Illustrissimus verò PRINCEPS iam viduus
quanto versetur in luctu, non intelligit quidem
durum illud & agreste hominum genus, qui non
pluris faciunt suorum obitum, quam congerro-
nis, aut compotoris abitum: Sed intelligunt bo-
ni viri, qui tenerum illud ac molle, quod a natus-
ra nobis insitum, hac stoica morum feritate ob-
durescere, & occallescere non patiuntur.

Quamvis enim in ILLVSTRISSIMO
PRINCIPENihil sit effeminatum, nihil fra-
ctum aut abiectum, nec is unquam ulla mollitie
liquefcere; aut fluere consueverit: tamen in tam
acerbo & gravi casu, à dolore & aegritudine sibi

tem

temperare nec potest, si debeat, nec debet si possit, præsertim cum *ἡίοι ἀνδρες* ut vocant Græci, valde sint *πολυδάκρυοι*, & tenerrimo suos amore prosequantur.

Amisit enim **CONIVGEM** non e multis unam, sed incomparabili pietate & virtute præditam, qua cum amantissimè vixit, & coniunctissimè hoc septennii coniugio, quod mera fuit tur-
 turum concordia, planè felix & beatum, si una cornicularum vivacitas accedere potuisset.

Amisit eam, quæ omnino generosæ viri, & oleæ feraci, propter felicem & raram foecunditatem fuit comparanda.

Deniq; amisit eo tempore, quo soboles mascula, spes domus antiquissimæ, effigies virtutis paternæ, hæres ditionis avitæ non tantum exspectabatur votis omnium, sed etiam spe prope certa præcipiebatur.

Huius itaq; decessu Coniugis **PRINCEPS ILLVSTRISSIMVS**, non tam à suo ipsius corpore disiunctus, quam ab anima propriâ distractus est, & rotus à se ipso divulsus, quod sine acerbissimo doloris sensu fieri non potuit.

Vt autem ex capite, si malè incipiat habere, & aliquid morbi sentiat, dolores in totum corpus reliquum diffunduntur, & in singula membra redundant: ita luctus & mœroris huius, quem

PRINCEPS capit ILLUSTRISSIMVS, non
minima pars ad subditos redire debet, ut onus
hoc si nostra ^{capita} ~~capita~~ quadam ex parte allevetur,
eo facilius ab Illustrissimo Principe sustineri, &
perferri possit.

In hoc itaq; luctu, & publica calamitate,
quid aliud faciendum nobis putabimus, quam
ut confugiamus ad sacram invocationis anchora-
ram, & ad opis divinae portum respiciamus.

Hoc igitur secundum erit, ut vota sedulo fa-
ciamus ad Deum, quem ad iram iustissimam im-
pietate nostra provocavimus, & ardentissimis ab
ipso gemitibus petamus, ut gladius vindictae oleo
commiserationis exacuat, & imminentes cer-
vicibus nostris poenas, ac iam iam lapsuras ele-
menter a nobis prohibeat, avertat, abigat, eamq;
singulis mentem largiatur, ut verbo potius, &
monitis paternis duci nos, quam verberibus &
plagis herilibus trahi ad poenitentiam salutarem
patiamur.

Eundem supplicibus votis oremus, ut Il-
lustriss. Principem in his aruminis spiritu con-
solationis reficiat, fortitudinis erigat, patien-
tiae confirmet, spei sustenter, ne dolore fran-
gatur, aut huic moerori succumbat, sed his e ma-
lis elusatur feliciter, & ad extremam usq; senes-
centem has terras placide ac tranquille gubernet.

Deniq;

Denique gratias & habere Deo, & agere
maximas debemus, quod in hoc ipso tot malor
tum concursu, suae non obliviscitur misericor
diae, sed eam quotidie novam & rectam veluti
marisipsum Solem exoriri patitur.

Magna sunt & varia honorum genera, quae
nobis subdixit non factorum invidia, cuius fere
Dei providentiam insimulare solemus: Sed nos
sua nobis culpa subtraxit & eripuit. Et longe
tamen plura sunt, uberiora longe, quae divina
nobis benignitas, non quia digni, sed quia pro
sus indigi, reliquit.

In vivisse desit PRINCEPS, Illustrissi
ma: atrox malum, & vulnus quod vix coire, &
obduci posse videtur. At verò quanti tandem
aestimandum putamus hoc beneficium, quod vi
vunt & valent, vigent & florent ILLUSTRISSIMI
SAXONIAE PRINCIPES PATRIAE PA
TRES, Ecclesiae & Scholarum nutritii, legum
vindices, pacis custodes, & ut cum sacris loqua
mur, scuta terrarum, & arbores procerae, sub quibus
subditi tuto quiescere, securè pasci, & omnes
ingruentium tempestatum iniurias feliciter de
clinare possunt.

Magni sunt calones, magna siccitas,
Terra, agit rimas, & succis ardet ageris,
Pabula evanescent, cum frondibus, arboribus.

E 3

Intez.

Interim verò Ecclesiæ hortulus suberrimo doctrinæ cælestis rorē madescit, & imbre largō rigantur depacti in terram surculi, qui mox cœlis inferendi sunt, & inferendi.

Magnus aëris squallor est, & morborum contagia passim serpunt, ac ignota lue hominum simul & brutorum corpora sternuntur. Contra verò Deus omnium errorum virus pestilentissimum à nostris pellit Ecclesiis, à scholis abigit, & ardentissima doctrinæ purioris flamma penitus absumit.

Magna sterilitas est, agrorum & vinearum, & tanta præ foribus esse putatur annonæ charitas, ut ad veterum gñandes, & Achelosa pocula res nobis reditura videatur.

Nihilo tamen minus uberrimus est in schola nostra proventus, omnis pietatis, virtutis, & eruditionis, qui quàm diu non defecerit, neq; veritas deerit Ecclesiæ, neq; tranquillitas Reipublicæ, neq; felicitas omni vitæ.

Hoc beneficium hodierno celebramus die, eiusq; documenta damus, & pignora quasi deponimus hos octōdecim viros ac iuvenes optimos & doctissimos, qui in pietatis & bonarum literarum studiis ea diligentia versati sunt hactenus, & in examine privato ac publico suam ita nobis modestiam & eruditionem probarunt,
ut mis

ut minime dubitemus, quinolan & pntes. pntes
& pntes. pntes. futuri sint, quibus velut gladio
Delphico ad omnia, cum Ecclesia, cum Resp.
magno suo cum emolumento, & ornamento uti
possint.

Hanc ob causam ab Amplissimo nostro Col-
legio digni iudicari sunt, quibus in philosophia
summus honoris gradus conferretur, ut & eo-
rum, quæ multis didicere laboribus, aliquem
fructum reportarent, & ad ea, quæ cognoscenda
superfunt, quotidianum incitamentum, & flagi-
tator emalsiduum haberent.

Hos itaq; iuvenes Ornatissimos, Spectabili-
lis D. Prodecane, iussu Collegii philosophici
tibi etiam atq; periam commendo, & officiose pe-
to, ut pro auctoritate, quam huius tibi ratio mu-
neris imponit, eos Philosophiæ magistros crees,
& renuncies.

Augustus imperator quoties liberos suos populo commendaret, toties hanc solabat addere clausulam: Si merebuntur.

Ego verò Spect. D. Prodeant non hoc pos-
tulo, ut hos tibi iuvenes commendatos habeas,
si merebuntur: sed ut eos omnes quia merentur,
illud est, quod peto.

In literis chimæ doctrina sunt, & eruditione præditi: in moribus ea pietate & integritate

